

立永杜賣斷根田契人汪士百，有明買過水田壹段，坐落下茄荖庄前過溪仔，土名阿力肚。東至戴家田，西至圳，南至□，北至陳宜原田，四至明白爲界。受丈過壹甲式分伍厘正，年配納番租粟，拾叁石壹斗正，帶阿力肚坡圳水灌溉。今因乏銀別創，自情願□□田出賣。先盡問房親兄弟叔姪人等，不能承受。外托中引就招賣與洪鍊觀出首承買，三面言議，時值價銀叁佰陸拾大員正。銀契□□憑中交收足訖。其田隨即踏明四至界址，交付與銀主前去召佃耕作，收稅納租，永爲己業。自此一賣千休，永斷葛藤。日後價值千□□□異言阻當，以及洗找取贖之理。保當（此田）係<sup>百</sup>自己明買過物業，與兄弟叔姪人等無干，亦無重張典掛他人財物及來歷不明情弊。如有此等情弊，百自力抵當，不干銀主之事。此係二比甘愿，各無抑勒反悔。今欲有憑，立永杜賣斷根田契壹紙，併上手買契壹紙，墾單叁紙共伍紙，送執爲炤。

□收過賣契內銀叁佰陸拾大員正完足再炤



爲中人吳敬□(花押)

知見人 弟 敏生(花押)

男 益老(花押)

胡必達(花押)

代書人曾宗勸(花押)

業主

眉系蘭(花押)

乾隆叁拾玖年拾月

日立永杜賣斷根田契人汪士百(花押)